

近代中國史料叢刊續編第二十五輯
沈雲龍主編

雪橋詩話餘集

楊鍾義輯

文海出版社
有限公司
印行

249-250之四 80 P. 11-12 版

中華民國六十五年一月影印版

近代中國史料叢刊續編 第廿五輯

精裝：十二册

定價：新台幣

主編者：沈

雲

龍

發行人：李

振

華

出版者：文海出版社有限公司

臺北縣永和鎮中興街99巷8號

郵政劃撥戶第二七八四號

電話：九二一二六五九號

印刷者：東南印製廠有限公司

台北市西園路294巷15弄17號

經銷者：全省各大書局

行政院新聞局出版事業登記證局版台業字第〇四四九號



癸亥四月

雪橋詩話餘集

秦樹聲署



www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



南劉求參
林氏恕刊

雪橋詩話餘集序

綜一代之詩以紀一代之事始於宋人計敏夫之唐詩紀事本朝厲太鴻沿其名而小變其例以編宋詩近人復用太鴻例編元明兩朝詩然名曰紀事實則詩多而事少若論詩而儼具史裁者前人蓋未有此體子勤館丈以良史才出爲外吏政變以後避地滬濱以著述自遣成雪橋詩話前後凡四編都四十卷每編自爲起訖自勝國遺民以至昭代名臣碩儒畸人逸士或以人存詩或以詩存人大率以詩爲經以事爲緯其最難者如舉一人之事每臚舉他人所贈詩以證其人之生平此

非博覽而彊記者不能想海上十餘年露鈔雪纂其用力至勤且苦而三百年中世運盛衰治術之升降人才之消長讀此書舉可窺其崖略信乎一代之良史而不當以詩話目之矣子勤入翰林余已歸里歲癸巳以事至閩一見欽其淵雅其後再見於金陵辛亥後不恆通問但知其閉戶著書癸亥子勤奉 召入南齋爾後遂朝夕相見因得窺此書之全自頃世變日亟一時宿學之士多憂傷憔悴佹而不自聊子勤獨韜光晦精以自謀其不朽齒逾六十而鬢髮才斑其所養之充又有餘於著述之外子勤於是不可及矣丙寅正月閩縣陳

寶琛

雪橋詩話餘集序

二求如齋

This image shows a blank ledger page with 12 vertical columns. The columns are separated by thin vertical lines. On the right side of the page, there is a header section consisting of a small rectangular box at the top and a larger rectangular box below it, both of which are currently empty. The page is otherwise blank, with no text or data entered.

雪橋詩話餘集序

昔東發先生謂名臣言行錄雖雜取傳記之言然諸賢出處之本末備矣豈獨諸賢凡國朝盛衰之故亦莫不隱然備見其間史無定體書隨事爲篇春秋紀年以書班馬以來分紀傳此錄亦朱文公陰寓本朝之史斯言也吾嘗讀而趨之留垞居士所爲詩話意不專主言詩其於前言往行紀之特詳而盛衰大要亦略可攷見其殆有私淑之愜者乎承幹旣爲刻三集壬戌之秋復出餘集八卷見示猶前志也汗青甫竟居士以癸亥三月遂北歸之願尋所謂雪橋者旣先疇舊德之都非而鄭

亭丙舍松柏爲薪釣遊無所愧然不知人間之何世蓋
去國二十五年都人士衣服不貳出言有章之風邈乎
不可復見矣郵筒往還輒寄慨於荆舒之新法章蔡之
紹述致有南遷之禍居士孤懷閱識世多未之知而獨
稱其詩話之繁富何耶校訂旣訖書此以爲之序龍集
乙丑三月吳興劉承幹

雪橋詩話餘集卷第一

求恕齋叢書

遼陽楊鍾羲撰集

吳興劉承幹參校

施尙白觀嚴水子畫人物引山陰高士陳章侯開闢畫
院無虎頭左手執杯右執筆十指酒氣生十洲尤工人
物作殊態雕鏤瑣屑窮纖芥詭形奇狀人盡驚素壁中
宵走光怪興闌箕踞時捫蝨尺幅千金不可得晚傳二
子早升堂吮墨含毫向侍側山子過從憶鑑湖淋漓染
翰多歡娛五年以後水子至筆勢不與章侯殊冥搜慘
淡迫精妙敲側江皋連海嶠芙蓉薜荔雜連蜷帝子嬋

娟山鬼笑名高薄俗復何益能事傷心爭促迫乞畫如
山乏酒錢仰視高天岸赤幘水子名湛山陰人

長洲楊補無補號古農工詩畫孝謹重然諾素善徐文
靖馬阮修怨購文靖急詣楊龍友責以大義得解隱鄧
尉山數年卒王貽上詩布衣曾說楊無補筆墨風流又
一時留得永嘉遺跡在殘山賸水也堪思龍友令永嘉
無補爲畫小幅寫所見也

閩中遺老孫學稼君寶有蘭雪軒集散失未及刊陳惕
園爲之蒐錄有聖湖孫先生亡詩拾遺記翁白未青有
梅莊遺草丁之賢德峰朱國漢爲章詩何梅合刊爲綬

安二布衣詩陳昂白雲有白雲集皆近體林古度爲之
刊定詳池北偶談謝枚如論詩絕句有云高人想見孫
君實南過孝陵獨詠詩肯向遺編尋合璧後身猶有惕
園知未青感遇多哀怨寂寞丁朱有淚痕但使歌聲出
金石閉門風雪布衣尊五律平生七百首白雲槁餓老
鬢眉蘆花孤鶴哀吟夜誰問當年林茂之

老學菴筆記嘉興人聞人茂德名滋老儒也喜留客食
然不過蔬豆而已郡人求館客者多就謀之又多蓄書
喜借人自言作門客牙充書籍行開豆腐羹店予少時
與之同在勅局爲刪定官談經義滾滾不倦發明極多

尤邃於小學云王西樵嘗謂孫無言有嘉興老儒之風
孫焦穫懷友詩最憶吾宗野鶴姿逢迎處處足相知只
今名士牙行少能似嘉興儒者誰王阮亭謂無言遂已
長夜海內風雅大寂寞矣讀此掩卷久之兼復痛我西
樵也其無言病起見過云相過何太早杖履尙艱難木
落江風大家貧野服單耽詩情不減取友法終寬莫更
逢人拜淹留且考槃形容今漸改學道竟何年病廢抄
書手囊空買藥錢黃山頻入夢青眼受誰憐故舊凋零
盡相看更惘然無言將歸黃山焦穫因極稱住山之樂
以勸其行竟未能踐

秀水項胥樵聖謨入 本朝以布衣老順治壬辰追憶
平生師友作尙友圖首董元宰次陳眉公又次魯罔卿
魯竹史釋秋潭末一人卽胥樵時惟竹史尙存何天根
爲文河南作歌有云項君項君名賢徒晚節猶託殷餓
夫一時邢米皆千古愁絕當年張瑞圖

彭躬菴序獨漉堂彙謂古人詩之集大成者必推杜陵
其大者無間然矣而集中丐求得失喜而奉諛怒而譏
調如是者時亦有之後代山人詞客之盲貪者每竊撫
爲口實使杜陵見之必悔爲俑不可作今人詩吾甚閱
吳梅村梅村撫今傷昔俯仰流連其憂慚悼悔之意時

時逗露欲覽者知其由來而華美太盡終不及杜其論
極槁躬菴講學易堂發學者之病一言以蔽之曰虛與
亭林說略同

屈翁山哭汪扶光詩一代遺民金粟佛兩朝高士雪菴
僧又云未應列在高僧傳公是郎官復孝廉扶光歎人
名日沐崇禎癸酉舉人官武曹甲申遁跡入浦城爲僧
名宏濟同時詩僧有道盛字覺浪祝髮夢筆山寺翁山
及潘稼堂皆尊爲大導師詩如清明微雨後花鳥亂飛
時苦竹長遮徑高松自護關朱竹垞亟稱之與同邑潘
遠雪生唱和如慧遠之於宗雷雪生旣老無子亦逃于

禪因自號雪僧

費滋衡姑蘇詩路入雲巖路幾層遺民大半續傳燈五湖秋草無邊寺老盡前

朝八百僧

王茨菴贈人句云青史自應常注目白頭不合更低眉

陳元孝送林叔吾入都云好熟黃金臺下路馬蹄終要

自家行均見交道

明祁門汪子祐受夫有石西集曾孫伯薦字士倩崇禎

選貢鼎革不就有司職有崇禮堂詩句如樂兼閒是福

貧以醉為家差勝

王貽上謂陳士業徐巨源為南州眉目士業李太虛席

上觀女樂云雲閒歌管已成塵淚灑荒煙十五春又聽

貞元供奉曲尊前驚見玉堂人幾年圖史水雲鄉元老
翩然羽客裝只有情緣今尙在綠波影底看西廂蓋諷
之也

歛人汪韜字六奇甲申後棄諸生爲僧號漸江上人畫
宗雲林人逸品張公東詩家國滄桑感寂寥自磨殘墨
寫金焦松根礪硯多奇節石骨嶙峋訂久要大地林巒
呈畫稿諸天花雨洗詩瓢閒披古衲歸何處白嶽黃山
路未遙

嘉定侯汾柅園與弟洵涵從弟演潔澗稱上谷六龍柅
園句如詩以苛求細棋逢小劫遲遜卽趨時術貧爲出

世資語極雅鍊研德和桓園兄南野詩云去住蕭然好
息機花時遙掩白雲扉林深尙有驚鳥繞戍近頻看戰
馬肥新曲乍調歌拍換舊游重到酒壚非阿兄病骨今
無恙珍重樓東把袂衣桓園南野雜詩有云老圃春來
事漸工梅言竹笑此宵同深檐穩受牀牀雨破壁虛吟
瑟瑟風萬事自休茅屋外先生獨醒布衾中煙雲四野
天如墨賸得寒檠一穗紅南野者乙酉避兵小築名曰
惠甯莊丁亥後至庚寅始復故居研德舊莊詩云繞樹
頻驚月影寒北風何意送歸翰劇憐松菊成荒徑聊喜
門庭得舊觀遠害卻嫌爲客近還家渾似越鄉難江東

亦有藏名地阜帽誰師管幼安五載池塘兩劫灰滿庭
蕪草重徘徊圖書無復牙籤架欄楯猶遺畫閣材舊恨
并隨波浪沒故巢惟爲稻梁催門前五柳供樵爨更乞
垂楊繞屋栽嘗居吳門主文社春感句云蕭瑟頻年吳
市跡恐將詞賦誤平生

李寓園爲長蘅猶子居南翔里家有猗園堂西海棠一
樹大數圍亂後易主寓居以終集有下髮詩廿首九日
白下有脫巾落帽都休問不是南朝晞髮翁之句長蘅
好音樂鄉人置酒趣赴亦時時爲葉子戲以秬雄心歿
於崇禎己巳易簣時命寓園作行狀寓園有句云母食

不甘愁庾袞叔恩未報愧宏微嘗寓安東南園睡足菴
爲吳駿公參定秣陵春曲 世祖嘗於海淀乙覽及之
問參定寓園主人何姓名駿公以嘉定縣放生員李宜
之對與萬古愁遭際略同

侯研德文學室人章有涓字玉潢華亭人明亡夫婦偕
隱丁酉五日云又聽龍舸泛江潯隱隱笙歌畫閣深臂
繫五絲兒女樂盤供百索歲時心閒階萱草薰風襲小
院榴花書雨沈回想先朝頽扇日香羅細葛徧朝簪
侯智含文學元澗爲豫瞻通政第三子從黃陶菴學豫
瞻致命兄演幾道潔雲俱皆從死智含亡命披剃名昭

宗卒於靈隱從兄研德收其骨歸葬長春云已換朱門
燕不飛野人終日爛裳衣清風北戶羲皇遠白石南山
世事非比縣音書經日到遠天鴻雁寄巢稀年來一事
殊堪悔安住西山忽念歸橫流元不待焚書劫濁何堪
載火車向日流離空瑣尾百年牛馬濫襟裾義公不向
平陵死仇國終看蜀廟墟塵刹已空還稽首當來人種
定何如哀感之深不堪卒讀私論孝隱洵無愧焉繼室
華亭盛韞貞靜維旣寡削髮禮夏氏淑吉爲師夏爲考
功女適侯文學元洵與靜維中表俱以贅居爲尼有感
云病裏風霜淒大野愁中鼓角亂孤城不知天意緣何

事何限年光送甲兵

長山李淦秋雍熙避地翠巖罕接世事詠古云省得采

薇當日意西山還作首陽看

長白山在邑西

言志之作也偶感

云無著天親自結儔緣窮百尺到竿頭焚香夜坐禪初

定白玉光中見白牛感懷云野色蕭蕭草樹連杖頭懸

著一壺天行來高臥孤雲下半餉松風百尺泉均見高

致有雜著三卷所云凶人之於事也謀之而輒成爲之

而輒就日趨利若驚而不自知悔是以惡日積罪日深

至於不可救天故縱之也惡之至也吉人之於事也爲

之而不成謀之而不就日在憂患中而無可如何是以

功日積德日厚其究也至於不可量天故苦之也愛之至也又云陰謀最犯造物之忌夫謀而正用之利物濟世至善也若夫狡譎險密損人利己使防者不及防應者不能應獨不思我用陰謀而以圖利害人利未必得人亦未必害設圖利而害隨之害人而反自害將如之何倘得不義之利傷無辜之人我固能用陰謀矣而冥冥中且將謀我則又如之何故秦之畫灰李之鑄劍其亦可以懲矣又云象憂亦憂象喜亦喜不藏怒不宿怨此人倫之至若處世而能不見人之不是則天下皆與爲親語多精粹以孫斯義官大理寺卿贈如其官

如皋吳國表上舍世式國變後棄衣巾隱白蒲旋皈依
空門有竹莊詩稿傷春云射工沙蟲近江沙憶向東陵
學種瓜入市漫勞誇大隱于人何事畏鳴笳海雲勢滿
千家雨庭鳥聲孤半樹花何日買舟歸去早依然鼓櫂
過西涯雷轟電掣沈陰久驛路春橋不肯明鯨浪無端
翻水國烏啼只欲傍檐楹每從醉後披衣慣強學江頭
散髮行高譙曲江還在否名花落盡草縱橫沿隄白浪
漲平坡夢繞邱園幾度過花鳥一時風黯澹春城兩月
雨滂沱開樽且駐高僧屐擊缶聊同少婦歌從此禁煙
眞斷絕更愁漂泊問人多託興蒼涼當是海上用兵時

作幽居詩有云乾坤酒顛倒甲子詩分明殆自道也

冒巢民與方密之陳定生侯朝宗有四公子之目享大年卒于康熙癸酉韓慕廬所謂推排人間餘八十年也篤於風義吳聞璋客如臬自初病至櫬歸經紀備至介眉先生過訪見投笞和云平生事親外傾心向朋友老去眾務荒窮日耽文酒顛沛十餘年無事不成否歎息薄海內遺種更餘某毒來只慈受溷穢甘恬守敢辭皮肉盡銜繼任羈首謗書滿江南不過張其醜戴憑黃鐘侶何意存瓦缶越疆訪陳人相聞云已久開緘得尺書誤聽緣周叟謂我爲古逸何曾安隴畝謂我爲星嶽何

日不見斗謂我爲龐公兩世三喪耦衰殘奉老慈未忍
求速朽以此冀苟全萬事居人右積弱成至卑太行徧
培塿寶劍與明珠埋炤誰爲剖鉏去當門蘭偏護沿籬
韭君抱經世才詩文稱大手連朝聆正論能令風俗厚
因君一竦骨理直思抖擻傷心不忍言石闕終在口我
有一斗血逼塞難傾嘔天醉不可呼金盡繞屋走今古
所無事成爲一身有我面樛子大唾滿師跛負巢民少
時意氣蠶發喜於自見後乃消融斂退惟求順親於此
詩可觀所得矣

楊古農隱君臨歿盡以所藏書畫畀徐侯齋查麗中題

其畫冊云賸水殘山十幅中
故宮禾黍動秋風
悲涼身世成張儉
生死交情寄孔融
筆墨有權名已重
文章無命遇終窮
臨歧尙賴彌留語
絕業猶能付俟翁

如臯辭斑止菴有四哀詩云
彈指俄驚六十年
曾看滄海變桑田
蜂屯秦塞終歸劫
沙漲錢塘莫問天
旋轉難逢生馬角
攀號恨不及黃泉
空談尊養成何濟
贏得隨人說代遷
滿眼兵戈擁上都
相傳南渡定成虛
全身恥學離籠鳥
強項羞同泣釜魚
此日甯爲袁粲死
他時免笑褚淵疏
甘心玉碎扶名節
不負當年讀父書
千里閒關事海溟
匡山氣盡勢難憑
主恩未報生猶覲
臣罪當

誅死足憑韻重疑有誤不願黃冠留信國惟期碧血化萋宏

秣陵纍纍多荒塚鐵骨誰從認李膺三百年來水土恩
遭逢陽九識頑民補鍋甬使身存活賣菜能拚血染塵
三尺青絲延國脈兩行碧字見天真當時多少冠裳客
不及江鄉一野人未詳所指其爲明季諸人無疑也

嘉興何商隱汝隸所居紫雲菴在邵灣山中有草廬八
詠如偃河一散材辛苦餘尺土歲月不知深形容自爾
古雲氣時時生下上忽開續檜籬弗使高恐礙平林目
門中頃步地瑣石裁令曲捷徑非所由庶云習我躅有
美不期春有香奚事色澹澹以時榮尤宜供服食皆見

幽人之貞繆天自集何商隱齋同睦身壹云十年梅福
仍吳市今日相逢處士家海內風塵逃姓氏柴門秋色
隱蒹葭伯牙臺畔聞流水句踐江邊送落花潦倒不堪
思往事關山迢遞起悲笳

王介人宿董氏山房云中夜虎渡水谿樹初風生颯颯
吹哀湍眾山皆有聲深庭久無月黯然三四星憂人獨
求醉釋此離居情王阮亭所稱警拔可傳者也馮柳東
謂明季相沿徐文長袁中郎詩派獨以起衰自任一宗
三唐嘗訪陳黃門於越中會置酒送顧偉南介人詩有
前路夕陽外行人春草中之句黃門擊節曰此今之高

三十五也爲序其集梅里詩派盛於竹垞而實開於介
人周青士懷舊云暮雲春樹路迢迢銀燭金尊久寂寥
往日悲歌聞擊筑他鄉明月憶吹簫天虛楚水可由問
魂去楓林不可招一自南征傷永別風波空憶木蘭橈
爲介人作也

嘉興徐範蹇媛以跛疾終身不字工詩兼長書畫及篆
刻弟真木得其指授遂以名世嘗得衛夫人長孫后吳
采鸞宋惠齋張妙淨薛濤朱淑真管道昇八家墨妙於
項元汴家裝成一卷卷首自題香閨秀翰四小篆青要
山人沈彩爲作跋王荃靜媛歸史卯君文學先震居萍

橋水榭時相酬倡二年遽卒絕命詩有夜雨淒涼燈一點幽魂來聽讀書聲之句竹垞題其飲淥軒殘藁云雀桁門才林下姿貧家門戶苦難持紡磚蠶具多零落傳得盤中舊日詩吳巽道嫺鄭竹礪上舍聯室聞雁云瀟湘西去近辰州想像高堂聽亦愁羨爾一年歸一度那堪羈客十餘秋他若王元珠李茂蘭皆梅里閩秀也陸陸堂謂周管谷縱筆自如蕭閒高朗出入於右丞太白襄陽而一以浣花爲宗從弟篁字林於居鷗蕩上號鷗塘有寒玉樓集銘字弇山工方技亦喜爲歌詩子旼字文日昶字永日嘗客丁景行范自牧所旼子璐字俶